



100 Joor Sans Gène
Fyyr und Flamme
NeiJoorsapéro
8. Jänner 2022

Verzelle Eyr Gschicht



Liebe Aktiven von Stamm und Alter Garde
Liebe Strizzi - über 16
Liebe Gäste
Herzlich willkommen im 2022.
Herzlich willkommen im Jubiläumsjoor vo dr Sans-Gène. Es isch kalt - es git drum au Giehwy - nit nur Wysse uss em Yskaschte. Es isch Corona - Omikron - Pi - Rho - Sigma - Tau - Ypsilon - Omega. Was au immer fir Buechstabe - miir fyyre mit Händwäsche, mit Maske und mit Abstand im Freie - miir fyyre verzwäg.
Es freut mi hit unseri Gescht z be-greisse. Yyghede hämmer näbe de Aktive, ehlemöligi und aktuell Oblyt, Tambourmajore, La-därnemooler, Zeedelschryber,

Schnyydere, Källermaschter, Ehremitglieder und Gattine vo verdiente Mitglieder - hätzlig willkomme däne wo dr Wääg gfunde hänn. Ganz bsunders begreisse mecht ich hit s Rösly Wäber - sii isch in de 40-er Joor aini vo de erschte Pfyfferinne im Stamm gsii - und sii isch 6 Meenet älter als d Sans-Gène.

Es frit mi sehr, ass ich Eich do derf begreisse. Han ich doch mee als d Hälfli vo dr Gschicht derfe mitbikoo. Nadyrlig sinn do älteri Heere wo no mee z verzelle wisse, aber Gründigmitglieder git's nimme. Das isch esoo - bim 25-Jährige sinn no mäenge vo de derbyy und denn wird's danner denn nur no e handvoll derbyy und denn wird's danner.

Ich darf mi aber zumindescht als Strizzi erinnere - wo mir mit em orange Pulli in dr Saffre dr 50-Jährige Festschellschaft e Ständeli hänn derfe bringe. Als Stamm-Mitglied han ich denn d Grindig vo de Wybli erlält, speeter d Grindig vo dr Alte Garde, denn d Fusion vo Stamm und Wybli und z'letscht no d Basis fir d Luuser derfe leege. Ich weiss no bim 65+1-Fescht im Sans-Souci im 20-er Joor Look oder bim 75-Jährige im Volkshuus wo d Strizzi mit Baaleen und Rollschue, dr Stamm mit eme 25 Meter lange Baumstamm-Gosdym und d Altgardische als Punker yygloffe sinn.

Das sinn Gschichte - und um so Gschichte goot's bim e Jubiläum. Verzelle anand die alte Gschichte und verzelle au die neue Gschichte. Die gmainsame Gschichte s Kulturguet vom e Verain - vo uns.

100 Joor Fyyr und Flamme

Das isch s Motto. Mir wänn nit d Äsche uffbewahre, sondern s Fyy wytergää. Jetzt wär Zyt zem Fyyr mache. Zindet doch bitte die Finnekerzen aa. Und mached scho emool s Piccolo parat. Mir sinn Fyyr und Flamme - mir brenne fir d Fasnacht - fir unseri Clique und fir d Frindschafte.

Ich fordere Eich uff, die hüttig Yydringede z benutze zem Gschichte verzelle. Steend nit mit däne zämme, wo dr immer zämme sind, geend zu epper Anderem und frooged wieso sii oder är Fyyr und Flamme isch fir was är oder sii brennt oder frooged aifach «was isch dyyni Gschicht?»

Z'erscht wämmer jetzt s Jubiläumsjoor yylytte. Mer pfyffe zämme e Signal - nit das vo dr Sofia Loren. Nai mir pfyffe e Signal wo mer alli kenne - näml d Sans-Gène. Und noch dr Aasproche vo der Obfrau - denn geend uff epper zue & frooged «wär bich Du und was isch dyyni Gschicht?»

Markus Grider, Obmaa OK «Fyyr und Flamme»



Mir sin Fyyr und Flamme

baraat für s grosse Jubiläum und s hüttig glaine Fescht

Hätzlig Willkomme, liebi Gescht
Em OK 100 Joor gebührt e hätzlige und grosse Dangg ohni sy gäbt's hüt weder Spys no Trangg
Dä Apéro hämmer eigentlich in dr Wermi welle durefiehre stattdesse Diemer schuss in uf em Münschterplatz friehre dä hüttig Fescht sching unser Jubiläum
wär im Käller e zue grossi Gfoor drum simmer an dr früsche Luft und bedingt au do ufs Jubiläum Gluscht
Unbedingt hämmer hüt welle statt uf s Änd vo dr Pandemie warte Vyyl hämmer uns anderscht dänggt ghofft, dass es für e normali Fasnacht längt
Mer warte ab und hänn e Sitzig, blaane um und hänn e Sitzig, blaane neu, langsam isch's nümme witzig s Ändergäbnis: ai Corona-Durenand unseri Blaanig faart diräggt an d Wand
Nättigkeite git's nümme vyl zelle e normali Fasnacht hämmer ändlig welle
Nomol miemer nach de Idee vo de Obrigkeit danze und griege langsam aber sicher e Wuert im Ranze
Sott me ächt sälle mebers Bruuch erkläre?
sage dass mer Wältkulturerb wäre - uns für dr Nachwugs stargg mache in däre Stadt?
und bald nümme wüsse wie das no länger klappt?
Syt Wuche simmer elai - me seht und hört e kain mache sy dr Winterschoof oder sin sy nur deheim?
Au an dr Fasnacht wärde mer kaine seh das duet ys uf kai Fall weh s weiss jo kaine Bscheid
Hauptsach sy mache Ferie uf dr Länzerheid
D Enttäschig isch sicher bi uns allne do mir löön uns aber nit lo go
Vergässe mer zämme für e Momänt die Pandemie sin Fyyr und Flamme für das was bi uns no wird sy
Unser Fyyr das foot jetzt a brood-le
mir zaige das mit unserer Jubel-Noodle
E hätzlige und grosse Dangg an d Laura Furlanetto
Sy het se entworfe - ganz elai S goot denn niemer ohni hai
Mit grosser Ehr und Stolz nadürlig au
darf ich als erschi Stamm-Ofrau uns all'i Jubiläumsjoor fiehere due für emol nit regiere sondern sag was mir am Härze lyggt:
Strizzi, Stamm und Alti Garde
löönd uns hüt gmeinsam und mit Stolz ins Jubeljoor starte
Patricia Schaub, Obfrau Sans Gène
Stamm

